

*De Inse. Territoriali Elect. Labor. in Episcopatu  
hamb. Castrob. & Principi.*

ORDINIS JURIDICI  
VVITTENBERGENSIS  
DECANUS,  
CASPAR HENRICUS  
HORNIUS, JC.

Potentissimi Regis, et Electoris Saxo-  
niae in Provocationum Senatu  
Consiliarius, et Antecessor

LECTORI BENEVOLO

S. P. D.







Erenissimae Saxonicae Domus  
 jurium levem qui saltem et per  
 functoriam notitiam sunt con-  
 secuti, illos latere haud potest,  
*Potentissimum Electorem Saxoniae*  
 jus sublime territorii vindicare  
 sibi asserereque in tribus Epi-  
 scopatibus illis, qui Saxones vulgo dicuntur, *Miscnensi*  
 scilicet, *Martisburgensi* et *Numburgensi*, eosque non ni-  
 si mediatos habere, exigereque, ut ceu Status Provin-  
 ciales superioritatem ejus agnoscant, et revereantur.  
 Id quod non heri aut nudius tertius, vel nostra  
 aetate saltem factum esse, verum inclytam Domum  
 Saxoniam duobus jam abhinc seculis et amplius  
 jus hocce suum strenue persecutam esse, literae te-  
 stantur, quas in comitiis Ratisbonensibus M D XLI.  
 invictissimo *Carolo* Imperatori exhibuit, quae apud  
*Hordlederum* reperiuntur ac legi possunt. Inseruit *Tom. I. Lib.*  
 quoque laudatus, quem nominavimus, auctor, *8. c. II.*  
 diligentissimus Germanicarum rerum scrutator et vin-  
 dex, antecessorum nostrorum *Jctorum Wirteber-* *cap. XII.*  
*gensium* scriptum, consilium vocant, quo jura Prin-  
 cipum

cipum calamo suo tutati sunt, atque evicerunt  
 Episcopatus illos omnino illis subjectionis lege ob-  
 noxios esse. Non est animus ea denuo excutere;  
 neque etiam causa ista nobis defensoribus eget. Quia  
 tamen passim videmus audimusque, illos, quibus  
 diversam sententiam defendere placet, ad testimo-  
 nium *Benedicti Carpzovii* magni illius Saxoniae JCI,  
 provocare, atque ideo, quod vir iste status Saxoni-  
 ci peritissimus fuit, et ad intimiora consilia *Serenissi-  
 mi Electoris Saxoniae* admissus, plurimum causae suae  
 accedere existimant, si illum sibi assentientem alle-  
 gare possint: in mentem venit, sollicitum esse pa-  
 lisper de illis, quae *Carpzovius* de hoc argumento in  
 scriptis suis nobis reliquit, indagareque, num sen-  
 tentiam foverit, quae *Potentissimi Electoris Saxoniae* ju-  
 ribus adversaretur. Etsi enim parum referre vide-  
 tur, quicquid senserit demum *Carpzovius*, nec priva-  
 ta ejus sententia, quocunque demum munere fun-  
 ctus, quicquam obesse possit Principis juribus: ve-  
 ritatis tamen causa interesse, puto nosse, quaenam  
 hac de re opinio summo illi viro fuerit, jure ne, an  
 secus in dissentientium partes pertrahatur? Ut ve-  
 ro rectius judicium de hac re ferri possit, non piget  
 loca illa transcribere, quae ad negotium praefens  
 pertinent, et sua faciunt illi, qui de *Carpzovii* assensu  
 gloriantur. Postquam scilicet in *Processu Juris*, ubi  
 de iudicibus ordinariis in foro et Electoratu Saxo-  
 niae agere constituit, commonuit lectorem, *Electo-  
 ratum Saxoniae cum Episcopatibus illis nequaquam con-  
 fundendum fore, nec subditos et incolas Episcopatum in  
 Electoratu ejusque judiciis conveniri posse*, haec subji-  
 cit: *Etsi enim Serenissimus Saxoniae Elector in Episcopati-  
 bus*

*bus jurisdictionem exercet; attamen hoc ipsum non Electo-  
 ris; sed Episcopi vel Administratoris nomine facit, quem  
 in Episcopatu et capitulo repraesentat. Quantumvis etiam  
 jus protectionis in praedictis tribus Episcopatibus Serenissi-  
 mo competat Electori: attamen jurisdictionem hoc tribuit  
 nullam; nec enim protectio juri territoriali et jurisdictioni  
 quidquam adimit. Et quis nescit, Episcopatus illos  
 feudalitati Caesaris addictos esse, Seyn unter Käysersl.  
 Majest. Lehnshafft versetzet, unde et ab Imperatoria Ma-  
 jestate in feudum recognoscuntur, quae exemptio effecit, ut  
 non amplius in territorio Electoris siti censeantur; quia in  
 effectum paria sunt, locum esse exemptum, vel esse extra ter-  
 ritorium. Ex hisce infert, non esse de territorio Epi-  
 scopatus hosce licet in territorio sint: quibus addit,  
 a sententiis in Regiminibus dictorum Episcopatuum  
 latis ad Caesarem, et Cameram, tum etiam Dres-  
 dam provocari, et hoc fieri non tam ex jure terri-  
 toriali, quam ex speciali conventionem. Qua de re ipse  
 quoque agit alibi. Repetit hoc argumentum in Proc.  
 Tit. XVIII. ubi postquam privilegium Saxonicum  
 de non appellando negavit ad Episcopatus pertinere,  
 in haec verba commentatur: Accedit ratio manifesta,  
 siquidem praedicti Episcopatus cum Electoratu et provinciis  
 Saxonis, quorum intuitu privilegium de non appellando fuit  
 indultum, nihil commune habent. Et si enim Elector Saxoniae  
 eos administrat, et jurisdictionem ibidem exercet: attamen  
 hoc ipsum non Electoris, sed Episcopi vel Administratoris no-  
 mine facit, quem in Capitulo repraesentat. Nec aliud efficere  
 potest jus protectionis, der Erb-Schutz, Serenissimo Electori in  
 Episcopatibus competens, quippe quod jus hoc nec jurisdictionem  
 tribuat, nec ullam libertatis inferat jacturam: unde  
 liber etiam dicitur populus, quantumvis sub alterius clien-*

n. 11.

n. 15.

n. 22.

L. II. Ref.  
 p. 125. Et  
 de privi-  
 legio Saxo-  
 nico de non  
 appellando  
 n. 57. 58.  
 T. 18. a. 1.  
 n. 24. 25.

tela et patrocinio vivat. Quae omnia fane satis specieose pro tuenda contraria sententia allegantur. Ex illis enim fluere videtur, *Carpzovium* vulgatam illam distinctionem esse in territorio et esse de territorio hac mente huic negotio accommodasse, ut asserere voverit, Episcopatus illos, licet cum terris et patrimonio suo immixti sint provinciis et regionibus Misnicis et Thuringicis etc. Potentissimi Electoris Saxoniae, non tamen revereri territorialem illius superioritatem. Sed antequam iudicium feramus de *Carpzovii* sententia, audiamus etiam ea, quae beatus

Tit. II. a. 2.  
n. 20

vir praeter ista suis inseruit monumentis. Namque postquam primo isto loco, quem excitavimus, tradidit, Episcopatus hosce Electorales dici, natosque illos esse in territorio Electorum Saxoniae, submonet, jura territorialia sibi merito vindicare Serenissimum Electorem „Saxoniae, qua talem, in Episcopatibus illis, licet jurisdictionem ut Episcopus ibidem exerceat; siquidem novum non est eandem provinciam plurium dominatu fastigari, alio scilicet **JURA TERRITORIALIA, ALIO JURISDICTIONEM SIBI VENDICANTE**. Ex quo infert relegatum ex terris Electoralibus Saxonis, Episcopatibus illis exire quoque debere, nec ibi ferendum

Tit. IX. art. 5.  
n. 82.

esse. Alio in loco in hanc sententiam scribit: Atqui in terris Serenissimi Saxon. Electoris possessionatus quoque est, qui in Episcopatibus Saxonis bona possidet, licet intuitu diversae jurisdictionis, Serenissimum Electorem, non qua talem, sed qua Episcopum, recognoscat, nec enim respectus hic juribus officit territorialibus, quae in Episcopatibus etiam exercentur, diversa quantumvis sit jurisdictione. Nimirum locus aliquis potest esse IN territorio, non vero DE territorio Principis, veluti quoque in Episcopatu

„patibus Serenissimo Electori Saxoniae jura competunt  
 „territorialia, salva jurisdictione Episcopali. Ac certe E-  
 „piscopus in Saxoniae Electoratu, provinciis hisce ita  
 „novimus incorporatos, ut quae vulgo obtinent in Ele-  
 „ctoratu, locum quoque habeant in Episcopatibus, veluti  
 „quoque hinc relegatus ex Electoratu Saxoniae, in Epi-  
 „scopatibus commorari prohibetur. Similia fere habentur in Responsis, ubi, nihil commune esse Episcopa-  
 „ribus cum provinciis Saxonis, asserit quidem, agitque  
 „de provocatione ad Judicia Imperii: non tamen sibi  
 „obesse, dicit, jura territorialia, quae Serenissimus Saxo-  
 „niae Elector in Episcopatibus sibi vendicat, quippe quod  
 „haec non semper annexam habeant jurisdictionem, quia  
 „novum non est, ut una eademque provincia plurium domi-  
 „nati fastigetur, alio scilicet jura territorialia, alio jurisdi-  
 „ctionem simplicem, alio jus gladii, alio alia jura sibi ven-  
 „dicante. Quae omnia si conferantur cum prioribus,  
 „justaque perpendantur lance, facile constabit aliam  
 „plane sententiam Carpozovii, animo haefisse. Scilicet  
 „optime intellexit summus vir, interterritoriis amplis  
 „Statuum Imperii dari etiam interdum territoria sub-  
 „alterna, quorum dominis exercitium quorundam  
 „et quidem plurium, raro omnium, jurium superior-  
 „tatis territorialis ab illis, qui hac superioritate gau-  
 „dent, indulgetur. Quod exercitium jus territorii  
 „vocari quidem solet, sed subalternum: utque ut ab  
 „ejus jure, qui superioritate territoriali ipsa, analoga  
 „illa et aemula Majestatis potestate, pollet, recte  
 „distinguantur, hocce sublime jus territorii nostri aevi  
 „stylus consuevit appellare. Quoniam itaque Epi-  
 „scopi territoria talia subalterna, in provinciis Saxo-  
 „nicis habent, tribuit illis Carpozovius jus territoriale  
 „quod-

L. III. Resp.

125. n. 9.

Jur. Pub.  
Prud. Cap.  
LIX. §. 9.

*Proceff. Tit. quoddam, quod mox jurisdictionem ordinariam vocat,*  
*II. a. 2. n. 12.* modo etiam simpliciter *jurisdictionem*, modo *juris-*  
*Et 22. Tit.* *XXIX. a. 1. n.* *ditionem episcopalem*; quod tamen et mox juribus  
*24. Lib. II.* territorialibus opponit & ab illis distinguit. Atque  
*Resp. 125.* illud jus territorii vel istam jurisdictionem Serenissi-  
*n. 9.* mum Archi-Principem non tanquam Electorem  
*Tit. IX. a. 5.* aut Dominum provinciarum hereditariorum, sed  
*n. 82.* tanquam Episcopum vel Administratorem exercere  
 tradit: eo enim tempore, quo haec scribebat noster,

**D. JOH. GEORGIUS I.** omnes hos ad-  
 ministrabat Episcopatus. Et hoc sensu sejungit Epi-  
 scopatus a terris Electoralibus, nec quicquam com-  
 mune esse his cum illis; ac quibuslibet pecuniaria  
 judicia esse, docet. Eadem ratione scribit *non am-*  
*plius IN territorio Electoris sitos censeri, item non esse DE*  
*territorio ejus*, hoc est, obtemperare *immediate* illi  
 non tanquam *Electori*, sive qua tali, vel si paulo accu-  
 ratius loqui velimus, tanquam *Marchioni Misniae vel*  
*Landgravio Thuringiae etc.* sed tanquam Episcopo,  
 vel Episcopatum Administratori. Quo ipso tamen  
 non negat, sed potius diserte affirmat, esse illos Epi-  
 scopatus *incorporatos* terris Archi-Principis atque *in*  
*territorio* illorum, illisque tanquam *Electoribus Saxoniae,*  
*vel Marchionibus Misniae et Landgravibus Thuringiae etc.*  
 jus territoriale, non *subalternum* illud scil. sed *supre-*  
*munum*, quod *sublime* vocatur, vindicari. Quicquid  
 enim est *in territorio*, non potest subterfugere supe-  
 rioritatem illius territorii, quae super omnia se ex-  
 pandit. Etsi vero, quod est *ita in territorio*, ex vero  
 etiam sit *de territorio*, si hanc formulam ita, ut passim  
 fit, explicemus de subjectione territoriali; et quod  
 non est *de territorio*, hoc est, non subjacet alterius ter-  
 rito-

*Jur. Publ.*  
*Prud. Cap.*  
*LXII. §. 2.*



ritorii superioritati, sed separatum territorium im-  
 mediatum constituit, licet ab alio territorio circumda-  
 tum, (*enclave*) proprie loquendo *in territorio*, a quo est  
 circumdatum, non est, sed per se territorium consti-  
 tuat: exlocis tamen Carpzovianis, si inter se confe-  
 rantur, praesertim *Tit. IX. a. 5. n. 81.* satis perspicue ap-  
 pareret, per formulam *de territorio* in hoc argumento  
 ipsum nihil aliud velle, quam hoc, Episcopatus non  
 esse territoria immediata Electorum Saxoniae, et  
 Marchionum Misniae etc. quatalium, et sic hoc sensu  
 non esse *de illorum territorio*; esse tamen *in territorio*  
 illorum, h. e. subiacere provinciarum Saxonicarum  
 summae territoriali potestati. Quae ipsius mens  
 ex reliquis ejus traditis satis superque se porro pro-  
 dit. Docet enim iisdem legibus regi Episcopatus,  
 quibus provinciae nostrae reguntur, quod sane  
 non fieret, si Principis nostri supremum jus non  
 agnoscerent. Non esset quoque ejiciendus, quod  
*Carpzovius* tamen adstruit, ex Episcopalibus terris  
 relegatus in provinciis Electoralibus, si territoria  
 non subalterna, sed distincta plane ab hisce, et pro-  
 pria *αυτοκρατορία* gaudentia constituerent. Porro  
 commonet *Carpzovius*, possessiones in terris Episcopa-  
 libus eo prodesse, ut in regionibus Archi-Principum  
 jure agens immunis sit a satisdandi necessitate: quod  
 certe admitti haud posset, si territorialia Episcopalia  
 separatas rationes haberent, et sub regimine universa-  
 li nostrarum provinciarum non comprehenderentur.  
 Haec vero omnia dum docet *Carpzovius*, qui quae-  
 so in mentem ipsi potuisset venire, ut denegare ve-  
 lit Domino suo territorialem potestatem in Episco-  
 pati-

*Dn. Berg.  
 El. Proc.  
 Crim. p. 32.*

patibus? Neque etiam, quod de nexu feudali, in relatione ad Caesarem atque Imperium, et de provocatione ad tribunalia Imperii habet, in alia trahere nos possunt. Nam quod ad primum attinet, *Carpzovius* nexum istum feudalem in hunc finem saltem allegat, ut comprobare velit, territoria subalterna Episcopatus constituere, quae Elector, non ut Elector, sed ut Episcopus regat, et in quibus peculiaris judicia constituta. Ceteroquin autem, quicquid sit de illo nexu feudali, qui quousque hic porrigatur, nostrum non est indagare, notum est, illum cum nexu superioritatis, atque subjectionis territorialis haud esse confundendum. Non desunt exempla illorum, qui immediate subiecti sunt Imperio, lege tamen beneficiaria territoria immediata, propter quae et Status Imperii axiomate gaudent, ab alio Statu accipiunt, ac possident. Pariiter territoria et bona dari possunt, quae feuda quidem Imperii sunt, et jure Vassallagii immediati stringuntur, si tamen subjectionem respicias, non nisi mediate subjacent summae Imperii Majestati, proxime vero Status alicujus Imperii superioritati. Quod ad alterum attinet, *provocationem* scilicet ad Judicia Imperii, saepe laudatus Auctor, dum, quae de illa habet, in medium affert, non ea mente id facit, ut jura territorialia Saxonica in dubium vocare velit, quae in ipsis illis locis, ubi de hac re agitur, ipse asserit; sed saltem ut evincat, privilegium illud illustre de non provocando ad Episcopatus non pertinere; nec a sententiis in Episcopatibus latis ad Curiam Lipsiensem provocationem esse

*Vid. Hordl.  
d. l.*

*Jurispr.  
Pub. Cap.  
LIX §. 8.*

*Schilt. ad  
Serruoc. VI.  
§. 10. p. 47.  
App. I.  
Iprud.  
Feud. N.  
ILX.*

esse permissam, concessamque. Quod vero subditis Episcopatum ad Tribunalia Imperii provocare liceat, ad pacta et conventiones refert Auctor noster, quas speciatim recenset, tum in Responso saepe in partes vocato, tum in Commentario de Ordine Judiciorum. Cujus generis pactionibus si jure suo quadantenus cedat Dominus territorii: quis credere vellet superioritatem territorialem ideo plane cessare? Sane *Carpzovium* id non credidisse, eo magis quilibet sibi persuadebit, quod ipse etiam docet, aliis pactionibus Archi-Principem jus provocationis sibi servasse, atque integrum esse subditis Episcopatum, num ad Judicium Imperii, an vero ad Tribunal Dresdense se conferre, et adversus sententias gravantes auxilium hoc vel isto loco quaerere velint? Quod denique de jure protectionis juxta vulgatum: *Schirms Gerechtigkeits giebt keine Obrigkeit*, commentatur noster *Benedictus*, minime eo pertinet, quasi jus supremum territorii ademptum velit Electori Saxoniae, quod illis ipsis in locis, ubi haec habentur, diserte astruit, et vindicat; verum ideo saltem adfertur, ut appareat jus illud protectionis non impedire, quo minus Episcopi jure quodam territoriali etiam, et jurisdictione ordinaria gaudere queant; pariter ut, ipso Auctore, jura territorialia summa scilicet non obsunt, quin eadem jurisdictione vel jure territorii quodam, *subalterno* scilicet, Episcopis liceat uti. Hac ratione si verba *Carpzovii* quae obscuriora fortasse, vel dubia videntur, ceu par est, conferantur, atque alia ex aliis explicentur, nullum, puto, superesse dubium poterit,

*Tit. XVIII  
§. 1. n. 22.*

*Myl. de  
Jure Stat.  
Part. 1. c. 28.  
n. 23.*

terit, quatenus mens fuerit *Carpzovii*, & quam parum faveat illis, qui in suam sententiam istum pertrahere conantur. Neque enim quisquam eo se facile patietur adduci, ut persuadeat sibi, tantum virum in re tam magni momenti contraria et secum pugnantia in animo habuisse, credidisseque, stare ea simul posse. Pluribus de his agere nec tempus, etiam nec institutum praesens mihi indulget. Agamus potius id, cujus occasione scriptio mihi haec est subnata. Scilicet dum in publicum prodire cupit Clarissimus juris Candidatus **CONSTANTINUS TEMMICHIVS**, praefanda mihi quaedam fuere: et enarranda nunc est, ex more veteri vitae et studiorum ratio, quam perquam laudabiliter iniit noster. Patria ipsi contigit *Belgera* antiquissimum oppidum *Misniae* ad *Albim*: cujus originem *Caroli M.* filio deberi dicitur, qui eo in loco, cum adversus *Sorabos* bellum gereret, castra posuit, et hibernavit. Conspicitur in eo colossus ante curiam, seu statua, quae vocatur *Rolandina*, insignis magnitudinis, quae ad ea *Caroli* tempora refertur, quibus solenne fuisse traditur colossos tales poni tanquam signa vel libertatis, vel imperii et jurisdictionis; ut fabulas illas taceam, quae de *Rolando* quodam, cujus honori statuae istae consecratae fuerint, auctore **JOHANNES TURPINO**, egregio fabularum magistro passim circumferuntur. Natus vero est Anno **MDC LXXIX.** ex parentibus honestis, et patre quidem **CHRISTIANO TEMMICHIO**, cive integerrimo illius oppidi, matre vero **ELISABETHA PLANERIA**: quibus haec nata est

*Ditmarus*  
lib. VI. &  
VII.

*Albinus*  
*Chr. Misn.*  
p. 87. *Rhet.*  
*de Stat. Rol.*  
*Gryphiand.*  
*de Col.*  
*Weisbild.*

est felicitas, ut alterum nunc filium ad Doctora-  
lem dignitatem videant aspirare: Qua fortuna uti-  
que dignissimi sunt, quod tenui licet rerum suarum  
statu, liberos tamen bene educare, liberalibusque  
artibus addicere omnibus modis studuerunt. No-  
ster primum in ludo patrio primordia artium cepit,  
postea *Torgaviensi*, eoque jam dudum percelebri  
Lyceo adscriptus sub Clarissimis Viris M. GO-  
THOFREDO STEINBRECHERO, PE-  
TRO PAULO FECKNO, et JOHANNE  
STEPHANO ROSTEUSCHERO, egregie  
profecit, atque se his Praeceptoribus suis, quam  
plurimum se debere lubens gratoque animo fate-  
tur. Confectis vero illis studiorum spatiis *Witte-  
bergam* venit, ac sub eo tempore, quo excellentis-  
simus Archiater Regius et Primicerius Medicorum  
in hac Academica D. JOHANNES GOTHO-  
FREDUS BERGERUS M DCC magistrat-  
um gerebat, jure civitatis nostrae est donatus. Scho-  
las quas primum cum arti juris se addixisset, frequen-  
tavit, BRENDেলII, consultissimi viri, fuerunt,  
quem Institutiones juris explicantem semel atque ite-  
rum audivit, et auctorem habuit, qui viam ad artem  
disputandi commonstraret. Accessit postea ad pulpita  
Antecessorum, magnoque studio sectatus Magnifi-  
cos Viros STRAUSSIUM et BERGERUM,  
Consiliarios Regios, quorum illi Ordinarii Praesi-  
dis munus Juridici Ordinis per plures annos maxi-  
ma cum laude gessit, hic vero eodem felicissime in  
hunc diem defungitur. Aduit vero sedulus illis,  
tum et beato HEBERO nostro, tum praestantis-

fimo JCto SVEVO, tam Civilis, quam Canonici et Feudalis varias juris nostri partes magna cum cura exponentibus, atque ex illis feliciter didicit, non tantum, quae ad Theoriam spectant, verum etiam, quae animum ad usum forensem praeparare debent. Nec dissimulare possum, et mihi publice privatimque docenti assiduam auditorem fuisse, ac praesertim tunc mihi suam probasse diligentiam, cum *Lauterbachianum* compendium evolverem, et illis, qui meae disciplinae se concrediderant, viam ad causas orandas aperirem. Haec dum egit, non neglexit Philosophica studia, sed non infelici successu cum Jurisprudentia illa conjunxit. Non defuit etiam ipsi occasio rebus forensibus mature avescendi, discendique, qua ratione leges, quae, ut *Bartolus* loquitur, in scholis diglutuntur, in foro digeri possint. Nactus enim illam est apud consultissimum fratrem D. CHRISTIANUM TEMMICHIMUM, qui per complures jam annos causas tum aerarii publici provincialis tum aliorum in Curia nostra provinciali, et ecclesiastica, tum alibi intra et extra urbem et regionem magna cura et insigni cum applausu felicissime egit, et apud Academiam nostram Proto-Notarii munus dexterime gessit. Quum vero noster studiorum haberet, fiduciam professus est apud nostrum Ordinem nomen suum, et jam Mense Junio M DCC IV. experimento facto meruit, dignusque judicatus est, ut albo Candidatorum Juris infereretur. Visum illi postea est abire a nobis ad tempus, et exterorum tam mores, quam jura perscrutari. Quod  
dum

dum fecit, illud tempus incidit, quo Svecorum in has terras impetus patriam nostram maxime perturbabat. Perstitit ergo Servestae atque non voce minus, quam calamo plurimorum laborantium spem, vitam, et famam coram superioribus et inferioribus tribunalibus fortiter faustaque defendit, ac omnium sibi conciliavit favorem. Amore tamen patriae victus ad nos rediit relicto sui desiderio apud illos, quibuscum per tempus commoratus est: atque dum et alterum scrutinium, quod rigorosum vocant, sustinuit, explevitque nostram expectationem, copia facta est illi reliqua specimina edendi, quae instituta majorum exigunt a Candidatis nostris. Nunc vero inter forentia negotia, quae tum hic, tum alibi assidue tractat feliciter et cum laude, in eo est, ut ultimam operis illis manum addat, atque sic majori cum decore nobilissimum munus Advocati, quod apud externos civilium dignitatum fundamentum habetur, in posterum subire queat. Prohibet scilicet in publicum proxima die Martis, DEO favente, et nostro sub moderamine de *Desertoribus Civitatis eorumque poenis*, quod thema est dissertationis inauguralis, in Acroaterio Majori verba faciet, et cum dissentientibus colloquetur. Meum itaque est, ut Magnificum Dominum PRO-RECTOREM, PATRES ACADEMIAE CONSCRIPTOS, omnesque alios, qui Jurisprudentiae favent, aut civitati nostrae literariae addicti sunt, reverenter, et omni, quo possum, studio exorem, ut ne grave illis sit, honorifica sua et gratissima praesentia pane-

panegyrim hancce illustrare. Dabimus operam  
sedulo, ut qualibet occasione pro viribus nostris  
testemur benevolentiae hujus memoriam, studium-  
que referendi cultum et gratias nobis nun-  
quam defutura esse. P. P. XIX. post  
Trinit. M DCC IIX.

---

*VITEMBERGAE,*  
Literis CHRISTIANI GERDESII

